

Broj: 5-1-05-1-69/11-15
Sarajevo, 15.04.2015. godine

Na osnovu čl. 64. stav 1. tačka b) i čl. 70. st. 1.,3. i 6. Zakona o javnim nabavkama Bosne i Hercegovine ("Službeni glasnik BiH", br. 39/14), člana 23. Statuta JP NIO Službeni list BiH, a na Prijedlog Komisije za javne nabavke o izboru najpovoljnijeg ponuđača, broj: 5-1-05-1-69/10-15 od 15.04.2015. godine u postupku nabavke usluge osiguranja imovine i lica, v.d. direktor je donio:

ODLUKU
o izboru najpovoljnijeg ponuđača

I

Prihvata se Prijedlog Komisije za javne nabavke o izboru najpovoljnijeg ponuđača, 5-1-05-1-69/10-15 od 15.04.2015. godine i ugovor za javnu nabavku usluge osiguranja imovine i lica dodjeljuje se ponuđaču „KONZORCIJ TRIGLAV OSIGURANJE d.d. Sarajevo i BOSNA SUNCE OSIGURANJE d.d. Sarajevo za ponudenu cijenu od 26.594,40 KM (oslobođeni PDV-a), kao najbolje ocijenjenom ponuđaču.

II

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Ova odluka će se objaviti na web stranici www.sluzbenilist.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku nabavke u skladu sa članom 71. stav 2. Zakona o javnim nabavkama BiH.

OBRAZLOŽENJE

JP NIO Službeni list BiH (u daljem tekstu: ugovorni organ) je na osnovu Odluke o pokretanju postupka za nabavku usluge osiguranja imovine i lica proveo otvoreni postupak nabavke.

Obavještenje o nabavci broj: 195-1-2-22-3-6/15 objavljeno je na Portalu javnih nabavki dana 19.03.2015. godine.

Nakon isteka roka predviđenog za dostavljanje ponuda, Komisija za javne nabavke (u daljem tekstu: Komisija) je u Zapisniku o zaprimanju ponuda od 10.04.2015. godine konstatovala su u roku pristigle slijedeće ponude:

1. Ponuda ponuđača „SARAJEVO OSIGURANJE“ d.d. Sarajevo, broj protokola: 5-1-05-1-69/3-15, dostavljena 09.04.2015. godine u 11.30 sati.
2. Ponuda ponuđača „KONZORCIJ TRIGLAV OSIGURANJE d.d. Sarajevo i BOSNA SUNCE OSIGURANJE d.d. Sarajevo“, broj protokola: 5-1-05-1-69/4-15, dostavljena 10.04.2015. godine u 08.55 sati.
3. Ponuda ponuđača Dioničarsko društvo za osiguranje „VGT VISOKO FILIJALA SARAJEVO“, broj protokola: 5-1-05-1-69/5-15, dostavljena 10.04.2015. godine u 09.40 sati.

U postupku analize pristiglih ponuda Komisija je u Zapisniku o pregledu i ocjeni ponuda, broj:5-1-05-1-69/9-15 od 14.04.2015. godine utvrdila da su ponude ponuđača: „KONZORCIJ TRIGLAV OSIGURANJE d.d. Sarajevo i BOSNA SUNCE OSIGURANJE d.d. Sarajevo“, i Dioničarsko društvo za osiguranje „VGT VISOKO FILIJALA SARAJEVO“ formalno prihvatljive za ugovorni organ, dok ponuda ponuđača „SARAJEVO OSIGURANJE“ d.d. Sarajevo nije prihvatljiva za ugovorni organ iz slijedećeg razloga:

- Ponuđač u svojoj ponudi nije potpisao prijedlog ugovora-Aneks 5 niti je u Aneksu 2. Sadržaj ponude upisao podatak o broju dokumenata i sadržaju. Navedena obaveza ponuđača je propisana u tački 8.2.1 Tenderske dokumentacije:

„8.2.1 Ponuda treba sadržavati slijedeće elemente (član 58. Zakona):

- Popunjen obrazac za ponudu koji je dat u Aneksu 2 tenderske dokumentacije;
- Popunjen obrazac za cijenu ponude koji je dat u Aneksu 3 tenderske dokumentacije;
- Obrazac povjerljivih informacija, u skladu sa Aneksom 4-ukoliko ih ponuđač ima
- **Potpisan prijedlog ugovora – Aneks 5**
- Izjava o ispunjavanju uslova iz člana 45. Zakona (Aneks 6)
- Izjava o ispunjavanju uslova iz člana 47. Zakona (Aneks 7)
- Izjava o sukobu interesa (Aneks 8)
- Kvalifikacioni dokumenti predviđeni tačkom 7. TD,
- Upitnici (10 upitnika)- Prilog 1
- Popis dokumentacije koja je priložena uz ponudu (sadržaj ponude).

NAPOMENA: Ponuđač je obavezan da popuni i dostavi sve navedene dokumente iz tačke 8.2.1. U slučaju da ponuđač ne dostavi i popuni sve tražene dokumente (izuzev Aneksa 4 kako je navedeno u tački 8.5.1) koji su navedeni, ponuda će mu biti odbačena kao neprihvatljiva.“

Cijeneći navedene odredbe Komisija je ocijenila da ponuda ponuđača: „SARAJEVO OSIGURANJE“ d.d. Sarajevo nije formalno prihvatljiva za ugovorni organ.

Analizom formalno prihvatljivih ponuda Komisija je Zapisnikom o ocjeni ponuda koji se dostavlja kao prilog ovoj Odluci, broj: 5-1-05-1-69/9-15 od 14.04.2015. godine utvrdila rang listu ponuda prema kriterijima za izbor ponude kako slijedi:

1. „KONZORCIJ TRIGLAV OSIGURANJE d.d. Sarajevo i BOSNA SUNCE OSIGURANJE d.d. Sarajevo “ sa 100,00 bodova
2. Dioničarsko društvo za osiguranje „VGT VISOKO FILIJALA SARAJEVO “ sa 64,14 bodova

Izabrani ponuđač „KONZORCIJ TRIGLAV OSIGURANJE d.d. Sarajevo i BOSNA SUNCE OSIGURANJE d.d. Sarajevo“ je izabran primjenjujući kriterij ekonomski najpovoljnije ponude, te je shodno tome dat prijedlog o izboru navedenog ponuđača kao najpovoljnijeg.

Cijeneći navedeno odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pismenoj formi direktno, elektronskim putem ili preporučenom poštanskom pošiljkom na adresu: Džemala Bijedića 39, Sarajevo. Žalba se podnosi u najmanje 3 (tri) primjerka.

DOSTAVITI:

- Svim učesnicima postupka nabavke,
- Komisiji za javne nabavke,
- a/a .

v.d. DIREKTOR
Dragan Prusina